

中華郵政特准掛號認爲新聞紙類

民國十五年正月初十日出版

(第二十五期)

紹興醫藥月報

總發行所

紹興城內
石門檻

紹興醫藥月報社

◀ 第一號

▶ 第三卷 ▶

中華民國十五年夏正正月初十日出版

紹興醫藥月報第三卷第一號(即第二十五期)

本報編輯員

【總編輯】杜同甲

【副編輯】何廉臣

【分編輯】胡瀛嶠

楊質安 胡寶書

王邈達 單遠殫

汪竹安 楊厚栽

徐仙槎 王鐵如

蔣彬臣 何幼廉

潘文藻 田康濟

徐秋生 胡思範

周越銘

傅伯揚

陳樾喬

錢少楠

高芷沅

何筱廉

汪詠裳

李養和

編輯所

浙江紹興城內宣化坊
紹興醫藥月報社

總發行所

浙江紹興城內石門檻
紹興醫藥月報社

分發行所

浙江紹興城內大街
天芝堂藥號

印刷所

浙江紹興城內小教場
紹興印刷局

名譽贊成員

盛賜仲君 張天漢君 俞少村君 胡思疚君 張榮堂君
 姜證禪君 陳秉衡君 胡雨湘君 胡隱櫟君 陳子英君
 薛軼塵君 張琴蓀君 姚曉澄君 謝杏田君 朱翰堂君
 徐叔蓀君 鮑薌谷君 姚偉澄君 陶仲安君 朱仲華君
 王叔梅君 錢聿聲君 姚閨仙君 陶叔祥君 章天覺君
 王子裕君 胡坤圃君 平宜生君 蕭叔明君

名譽編輯員

章太炎君 吳玉純君 張壽頤君 惲鐵樵君 何公旦君
 史介生君 袁桂生君 胡天宗君 傅嬾園君 高思潛君
 楊如侯君 周小農君 王肖舫君 時逸人君 張破浪君
 張壽甫君 陸晉笙君 楊燧熙君 張汝偉君 華照葵君
 楊孕靈君 孫伯康君 裘士東君 徐經才君 沈仲圭君

名譽社員表

震元堂周乾生君 天芝堂沈企周君 老三瑞羅懷邦君 至大號葉鴻章君
 天寶堂蔣宗濂君 利生堂林子膺君 天益堂潘文濤君 仁德堂陳寶仁君
 上壽堂梁國賢君 光裕堂張丙陽君 天祿堂林炳水君 丁裕昌丁星階君
 以上皆紹城大藥店各經理熱心公益每年認經費洋十二元正共圖醫藥之推廣

民國十五年本報第三卷第一期目次

論文 凌氏溫熱類編之緒論 越醫何廉臣

學說 女科學箋疏 蘭溪張壽頤 錢氏小兒藥證直訣義疏 嘉定張山雷

錢氏產科驗方 錢少樞編 壽祺校錄

醫案 志誠堂醫案 滄州張錫純

介紹張氏中風辯證

此書係蘭溪中醫學校教務主任張壽頤先生撰述。其學說融貫古今。溝通新舊。剝膚存液。崇實黜華。爲治中風者定一標準。本社同人。固多欽佩。廉臣尤贊其學雖參西。方選國粹。閱報諸君。諒必先覩爲快焉。

總發行所蘭溪中醫學校 定價 官堆紙每部一元五角 重太紙每部一元
介紹吳氏中西脈學講義

此書係閩泉州同安吳黼堂先生撰述。擇其精切有據。足徵實用者。參諸西說。以會其通。舉凡常法變法。新久病法。及察脈各玄機。大率皆舊訣所未見及之作。鑑別甚精。體例亦善。足爲近今中醫學校教授之善本也。

總發行所上海文瑞樓 定價每部大洋八角

介紹諸名醫醫書籍

名醫楊燧熙先生醫書二種。衛生必讀婦幼廣義先出。衛生必讀現已工竣。此書從數十年中經驗得來。以視坊間牟利之書。其相去豈可以道里計哉。無論青年中年老年閱之。即可永保遐齡。不生疾苦。可謂行海之指南也。

總發行所鎮江城內楊燧熙醫廬 實價大洋四角 外埠加郵二分

本報明正繼續出版。閱者諸君。請速定購。爲荷。本報社公啓。

凌氏溫熱類編之緒論

自吳氏溫病條辨。王氏溫熱經緯。二書行世。而醫家始知傷寒自傷寒。溫熱自溫熱。然皆言新感溫暑居多。而於伏氣溫熱之理由。尙未發明盡致。

茲將歷代前哲言伏氣溫熱之因症脈治。一一詳述於左。黃帝內經曰。冬傷於寒。春必病溫。尺膚熱甚。脈盛躁。其脈盛而滑者。病且出也。如病溫者。汗出輒復熱。而脈仍躁。疾不爲汗衰。狂言不能食。病名陰陽交。交者死也。故病溫。虛甚死。經又曰。冬傷於寒。春生痺熱。熱病太陽之脈。色榮顴骨。與厥陰脈爭見者。死期不過三日。少陽之脈。色榮頰前。與少陰脈爭見者。死期不過三日。熱病三日。而氣口靜。人迎躁者。取之諸陽五十九刺。熱病七八日。動喘而弦者。急刺之。熱病七日八日。脈微小。病者洩血。口中乾。一日半而死。脈代者一日死。熱病已得汗出。而脈

尙躁。喘且復熱。勿刺膚。喘甚者死。熱病七日八日。脈不躁。躁不散數。後三日中有汗。三日不汗。四日死。未曾汗者。勿腠刺之。熱病不知所痛。耳聾不能自収。口乾。陽熱甚。陰頗有寒者。熱在骨髓。死不可治。熱病已得汗。而脈尙躁盛。此陰脈之極也死。其得汗而脈靜者生。熱病脈尙躁甚。而不得汗者。此陽脈之極也死。脈盛躁。得汗而靜者生。凡熱病不可刺者有九。一曰汗不出。大額發赤。噦者死。二曰泄而腹滿甚者死。三曰目不明。熱不已者死。四曰老人嬰兒熱而腹滿者死。五曰汗大出。嘔下血者死。六曰舌本爛。熱不已者死。七曰咳而衄。汗不出。出不至足者死。八曰髓熱者死。九曰熱而瘕者死。腰折癰癥。齒噤齟也。此九者。不可刺也。當瀉其熱而出其汗。實其陰以補其不足。(廉按此二句。實治溫熱之總訣。)此軒岐之論溫熱也。

秦越人難經曰。濕溫溫病熱病。其所苦各不同。濕溫之脈。陽浮而弱。陰小而急。溫病之脈。行在諸經。不知何經之動。各隨其經所在而取之。熱病之脈。陰陽俱浮。浮之而滑。沉之散濇。又曰。熱病在內者。取其會之氣穴也。〔廉按府會太倉。藏會季脇。筋會陽陵泉。髓會枕骨。血會膈俞。骨會大杼。脈會太淵。氣會三焦外一筋直兩乳內。此謂八會。爲當時治熱病者。取穴用針之法。〕此扁鵲之論溫熱也。

張長沙傷寒論曰。〔張石頑云。仲景溫病熱病諸例。向來混入傷寒六經例中。致使後世有以黃芩白虎湯誤治傷寒者。有以黃芩白虎證誤呼傷寒者。良由混次不分。以致蒙昧千古。今將溫熱諸條。另析此篇。俾學者知傷寒論自有溫熱症治也。〕太陽病發熱。而渴不惡寒者。爲溫病。若發汗已。身灼熱者。名曰風溫。風溫爲病。脈陰陽俱浮。自汗出。身重。多眠睡。

鼻息必鼾。語言難出。若被下者。小便利。直視失溲。若被火者。微發黃色。劇則如驚癇。時瘧瘵。若火薰之。一逆尙引日。再逆促命期。太陽與少陽合病。自下利者。與黃芩湯。若嘔者。黃芩加半夏生薑湯主之。陽明病脈浮而緊。咽燥口苦。腹滿而喘。發熱汗出。不惡寒。反惡熱。身重。若發汗。則躁。心憤憤。反譫語。若加燒針。必怵惕。煩躁不得眠。若下之。則胃中空虛。客氣動膈。心中懊懣。舌上胎者。梔子豉湯主之。(廉按陸氏云。心中懊懣三句。語意當在汗下溫針之上。)若脈浮發熱。渴欲飲水。小便不利者。豬苓湯主之。陽明病汗出多而渴者。不可與豬苓湯。以汗多胃中燥。豬苓湯復利其小便故也。三陽合病。脈浮大。關上弦。但欲眠睡。目合則汗。三陽合病。腹滿身重。難以轉側。口不仁而面垢。譫語遺尿。發汗則譫語。下之則額上生汗。手足逆冷。白虎湯主之。(廉

按陸氏云。白虎湯主之。語意在汗下之上。一傷寒脈浮滑。此表有寒。裏有熱。白虎湯主之。傷寒脈滑而厥者。裏有熱也。白虎湯主之。傷寒脈浮。發熱無汗。其表不解者。不可與白虎湯。渴欲飲水。無表症者。白虎加人參湯主之。傷寒無大熱。口燥渴。心煩背微惡寒者。白虎加人參湯主之。傷寒病若吐若汗若下後。七八日不解。熱結在裏。表裏俱熱。時時惡風。舌上乾燥而煩。欲飲水數升者。白虎加人參湯主之。服桂枝湯大汗出後。大煩渴不解。脈洪大者。白虎加人參湯主之。（以上三陽發溫熱例。）師曰。伏氣之病。以意候之。今月之內。欲有伏氣。假令舊有伏氣。當須脈之。若脈微弱者。當喉中痛似傷。非喉痹也。病人云實咽中痛。雖爾。今復下利。少陰病。二三日。咽痛者。可與甘草湯。不差者。與桔梗湯。少陰病下利咽痛。胸滿心煩者。豬膚湯主之。少陰病。得之二三日以上。心中煩

。不得臥。黃連阿膠湯主之。少陰病。下利六七日。咳而嘔渴。心煩不得眠者。猪苓湯主之。少陰病。得之二三日。口燥咽乾者。急下之。宜大承氣湯。（以上少陰發溫熱例。廉按張石頑曰。溫熱自裏達表。故三陽合病最多。發於三陽者易治。發於三陰者難治。然發於三陰者。必有所因。或因冷酒傷脾。或因鬱怒傷肝。或因色慾傷腎。皆正氣先傷。伏邪乘虛而發。設用甘溫調補。豈不助邪轉熾。若行苦寒峻攻。真元立致消亡。雖長沙復起。恐難爲力矣。一濕家其人但頭汗出。背強欲得被覆向火。若下之早。則吐胸滿。小便利。舌上如胎者。以丹田有熱。胸中有寒。渴欲得水而不能飲。則口燥煩也。（廉按丹田有熱是伏邪。胸中有寒是新感寒濕。此濕痺之偏於熱者。即是濕遏熱伏之一證。但頭汗出。亦是濕熱上蒸。惟背強欲得被覆向火。確係新感寒濕。然必兼一身盡痛。關節煩疼。若純是寒

濕。誤下必下利不止而死矣。實因濕未化燥。熱未成實。醫者下之太早。故噦而胸滿小便不利矣。張氏石頑。主用黃連湯。和解其上下之寒熱。却是濕溫救誤之良法。故余倣其例。引爲長沙論濕溫之症。一此仲景之論溫熱也。

王氏傷寒例曰。冬令嚴寒。中而即病者。名曰傷寒。不即病而伏藏於肌腠。至春變爲溫病。至夏變爲熱病。熱病者。熱極重於溫也。是以辛苦之人。春夏多溫熱病。皆由冬時觸寒所致。非時行之氣也。若更感異氣。變爲他病者。〔廉按異氣者。謂伏邪將發未發之際。又感別異之時氣。引發伏邪而出也。〕當依兩感症病而治之。如脈陰陽俱盛。重感於寒者。變爲溫瘧。陽脈浮滑。陰脈濡弱。更遇於風。變爲風溫。陽脈洪數。陰脈實大。更遇溫熱。變爲溫毒。溫毒爲病最重也。陽脈濡弱。陰脈弦緊。更遇瘟氣

。變爲溫疫。此叔和之論溫熱也。

巢氏病源候論曰。辛苦之人。春夏必有溫熱病者。皆由其冬時觸冒之所致。有冬月觸冒寒毒。伏至春暖始發病者。有冬月天時溫暖。人感其氣。未即發病。至春又被積寒所折。毒氣不得發泄。至夏遇熱。溫毒始發者。皆由表裏受邪。經絡損傷。臟腑俱病也。其候多端。姑言其要。(一)溫病發斑候。或已發汗吐下。而表證未罷。毒氣不散。故發斑。若溫毒發出於肌膚。斑爛隱軫如錦文也。(二)溫病煩候。此由陰氣少陽氣多。故身熱而煩。其毒氣在於心經而煩者。則令人悶而欲嘔。若其胃內有燥糞而煩者。則謬語而繞臍痛也。(三)溫病狂言候。邪盛則四肢實。實則能登高而歌。熱盛於身。故棄衣而走。陽盛故妄言罵詈。不避親戚。大熱遍身。狂言而妄聞視也。(四)溫病嗽候。邪熱客於胸府。上焦有熱。其人必飲水。水停心

下。則上乘於肺。故令嗽。(五)溫病嘔候。胃中有熱。穀氣入胃。與熱相并。氣熱則嘔。或吐下後。飲水多。胃虛冷。亦爲嘔也。(六)溫病噦候。伏熱在胃。令人胸滿。胸滿則氣逆。氣逆則噦。若大下後。胃氣虛冷。亦令致噦。(七)溫病渴候。熱氣入於腎藏。腎藏惡燥。熱盛則腎燥。腎燥則渴引飲。(八)溫病變成黃候。發汗不解。溫毒氣瘀結在胃。小便不利。故變成黃。身如金色。(九)熱毒在胸。上攻咽喉。故痛。或生瘡。(十)溫病毒攻眼候。肝開竅於目。肝氣虛。熱毒乘虛上衝於目。故赤痛。重者生瘡翳也。(十一)溫病衄候。肺主氣而開竅於鼻。邪熱傷肺。故衄。衄者。血從鼻出也。(十二)溫病吐血候。熱毒入深。結於五藏。內有瘀血。故吐血。(十三)溫病下利候。風熱入於腸胃。故令洞泄。若挾毒。則下黃赤汁及膿血。(十四)溫病膿血利候。熱毒傷於腸胃。故下膿血如魚腦。或如爛肉

汁。此由溫毒氣盛故也。(十五)溫病大便不通候。脾胃有積熱。發汗太過。則津液少。使胃乾結熱在內。故大便不通。(十六)溫病小便不通候。過發汗。津液少。膀胱有結熱。故小便不通。(十七)溫病下部瘡候。熱攻腸胃。毒氣既盛。穀氣漸衰。故三蟲動作。食人五藏。則下部生瘡。重者肛爛。(十八)溫病勞復候。因溫病新瘥。津液未復。血氣尙虛。因勞動早。更生內熱。熱氣還入經絡。復成病也。故凡梳頭洗浴諸勞事等。皆須慎之。(十九)溫病食復候。凡得溫病新瘥。脾胃尙虛。穀氣未復。若食犬豬羊肉并腸血及肥魚炙脂膩食。此必大下利。下利則不可復救。又禁食餅餌炙膾棗栗諸生菓難消物。若不能消化。停積腸胃。便脹滿結實。大小便不通。因更發熱。復成病也。(二十)溫病陰陽易候。陰陽易病者。是男子婦人溫病新瘥。未平復而與之交接。因得病者。名爲陰陽易也。其男子病新瘥。

未平復。而婦人與之交接得病者。名陽易。其婦人得病雖瘥。未平復。男子與之交接得病者。名陰易。其病之狀。身體熱。氣衝胸。頭重不舉。眼中生眵。四肢拘急。小腹絞痛。手足拳。皆即死。其亦有不即死者。病苦小腹裏急。熱上衝胸。頭重不欲舉。百節解離。經脈緩弱。氣血虛。骨髓竭。便慌慌吸吸。氣力轉少。著牀不能搖動。起居仰人。或引歲月方死。(二十一)溫病交接勞復候。病雖瘥。陰陽未和。因早犯房室。令人陰腫縮入腹。腹絞痛。名爲交接之勞復也。(二十二)溫病瘥後諸病候。其人先有宿疾。或患虛勞風冷積聚寒疝等疾。因溫熱病發汗吐下之後。熱邪雖退。而血氣損傷。府藏皆虛。故因茲而生諸病。(二十三)熱病煩候。此由陽勝於陰。熱氣獨盛。痞結於藏。則三焦隔絕。故身熱而煩。(二十四)熱病胞瘡候。此由表虛裏實。熱氣盛則發瘡。重者。周布遍身。若瘡色赤頭白。

則毒輕。色紫黑。則毒重。其形如登豆。故名登豆瘡。(二十五)熱病斑瘡候。在表或未發汗。或已發汗吐下後。表證未解。毒氣不散。煩熱而渴。渴而不能飲。表虛裏實。故身體發斑如錦文。(二十六)熱病熱瘡候。表有風濕與熱氣相搏。則身體生瘡痒痛而膿汁出。甚者一瘡一劇。(二十七)熱病口瘡候。此由脾藏有熱。衝於上焦。故口生瘡。(二十八)熱病咽喉瘡候。上實下虛。熱氣內盛。薰於咽喉。故生瘡。(二十九)熱病大便不通候。病經發汗。汗出多則津液少。津液少則胃乾。結熱在胃。故大便不通。又有府藏自生於熱者。此由三焦痞隔。脾胃不和。蓄熱在內。亦大便不通也。(三十)熱病小便不通候。熱在膀胱。流於小腸。熱盛則脾胃乾。津液少。故小便不通。(三十一)熱病下利候。熱氣攻於腸胃。胃虛則下赤黃汁。挾毒則成膿血。(三十二)熱病蠱候。熱氣攻於腸胃。則穀氣衰。所以三蟲